

殷虛書契續編


商衍瀛署

殷虛書契

續編

癸酉春日

寶熙



自光緒己亥殷商貞卜遺文出于洹水之故虛越歲辛丑予就升徒劉氏所藏編印為鐵雲藏龜此為殷虛遺文傳世之始又十年辛亥經國變避地海東其明年編殷虛書契前編八卷歲甲寅為之考釋丙辰復編後編二卷皆就予篋衍所藏手施檀墨其海內諸家所藏不能得墨本蓋甲骨古脆得者珍惜不忍施墨懼損文字也然用是故予乃百計構求十餘年間復得墨本約三千紙欲為類次以續兩編顧返國居津門人事冗迫不如在海東之多暇致斯願久不克償比移居遼東每一展觀輒歎甲骨文字與古金石刻不同石刻可拓至數千百本古金文則視石刻墨本傳世者千百之一二而已若甲骨文則施墨者不過二三本其墨本可寶不殊寶物倘不精印以傳而聽其漸滅憾孰甚焉反是將墨

本付精印化一為倍徒什佰快又孰甚焉每欲發憤編
次卒阻于人事勿勿又三四年邇來奔走道途之日一
歲中恆過半失此不圖悔將無及乃以一月之力就此
三千餘紙選三之二成書六卷往昔前後兩編約得三
千餘紙合以此編總得五千餘紙雖不敢謂殷虛菁華
悉萃于是然亦略備矣此二千紙中大率為丹徒劉氏
天津王氏北京大學四明馬氏所藏其什之一則每見
估人所售於千百中遴選一二而手拓以存之者至其
中可備考證者將別為考釋其文字不可識者將別紙
傳錄以補往者考釋及待問編之不備彼蒼者天其假
我數年以卒成此志乎時癸酉仲春上虞羅振玉書于
遼東寓居之殷禮在斯堂

殷虛書契續編卷一

集古遺文第一

上虞羅振玉類次



